

ՀԱՅ ՀԱՍԱՐԱԿԱԿԱՆ ՄՏՔԻ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ
XIX ԴԱՐԻ ԵՐԿՐՈՐԳ ԿԵՍԻՆ

XIX դարի երկրորդ կեսին Հայաստանը թևակոխում է իր զարգացման կապիտալիստական փուլը: Արտադրության կապիտալիստական եղանակը, ֆեոդալականի համեմատությամբ, առաջադիմական երևույթ էր, պատմական խոշոր նշանակություն ունեցող առաջընթաց մի քայլ հայ ժողովրդի կյանքում:

Բնչպես ուրիշ երկրներում, այնպես էլ Հայաստանում կապիտալիզմը միանգամից չզարգացավ: Նրա տարրերը ֆեոդալական ֆորմացիայի ծոցում առաջացել էին տակավին միջնադարում: XVII—XVIII դարերում նոր տեղաշարժեր կատարվեցին հայ ժողովրդի սոցիալ-տնտեսական և կուլտուրական կյանքում: Տնտեսական կյանքի մասնակի վերելք տեղի ունեցավ. աշխուժացան արհեստն ու առևտուրը, ներքին և արտաքին փոխանակային կապերը: Հայկական տպագրությունը և մամուլը մեծ դեր խաղացին հայ հասարակական մտքի, աղղային գիտակցության ու ազգային-ազատագրական շարժումների զարգացման գործում:

XVIII դարը հայ ժողովրդի պատմության մեջ մտավ որպես մաքուր մաքուր դար: Հայաստանում և հայկական գաղթօջախներում հայ ժողովրդի ամենալայն զանգվածները մաքառում էին թուրք-պարսկական բռնակալության դաժան լծից ազատագրվելու, ազգային անկախություն ձեռք բերելու, հայկական կուլտուրան պահպանելու և զարգացնելու համար: Դա մի ընդհանուր, կարելի է ասել, համաժողովրդական շարժում էր, ազգային գոյության ու հարատևության համար մղվող կենսաց և մահու պայքար:

XVIII դարում հայ ժողովուրդը ծնեց իր մեծ զավակներին, Հայաստանի ազատության ու առաջադիմության գաղափարի ռազմիրաններ Իսրայել Օրուն, Հովսեփ Էմինին, Մովսես Բաղրամյանին, Շահամիր Շահամիրյանին և ուրիշներին: Ինչ դարում հանդես եկան մեծ զորավարներ Դավիթ Բեկն ու Մխիթար սպարապետը, հայ ազատագրական մտքի նշանավոր հուշարձանները՝ «Նոր տետրակ որ կոչի հորդորակ»-ը, «Որոգայթ փառաց»-ը, «Նշավակ»-ը, Հայաստանի անկախության վերականգնման ծրագրերը և վերջապես մեր անդրանիկ պարիչրուկանը՝ «Աղղարար»-ը:

Դարի երկրորդ կեսին, կղերա-ֆեոդալական տիրող ուղղության դեմ մղվող պայքարում ձևավորվեց հայ հասարակական մտքի մի նոր ուղղություն՝ բուրժուական-լուսավորական ուղղությունը: Դա իր ժամանակի ամենաառաջավոր ուղղությունն էր: Այդ հոսանքի ներկայացուցիչները ժողովրդին ազատության և առաջադիմության էջ էին անում. «Լառդկությունը հատկացված բոլոր բարիքներին մեծագույնը ազատությունն է», — ասում էին նրանք: Մեծ դարաբաղցին՝ Մովսես Բաղրամյանը իր հայրենակիցներին հորդորում էր «արթնանալ ի վեհերոտեալ և ի հեղգացեալ թմրութիւնէ քնոյ ծուլութեան».

արիանալ, պայքարի երևել թշնամու դեմ, շինայել կյանքը ազատության համար, համոզված լինելով, որ շուտով արև կծագի իր հայրենիքի վրա¹:

XVIII դարի ազատագրական և լուսավորական շարժումը հայ հասարակական մտքի վերելքի արտահայտություն էր: Դա խոր արմատներ արձակեց հայ կյանքում, գաղափարապես նախապատրաստեց հայ ժողովրդի պատմության մեջ XIX դարի սկզբին տեղի ունեցած վճռական շրջադարձը, հասարակական-քաղաքական և մտավոր զարգացման նոր ընթացքը, մեր նոր պատմության սկզբնավորումը:

XIX դարի առաջին կեսին ձևավորվեց Խ. Արուսեանի գլխավորած հայրենասիրական, դեմոկրատական և լուսավորական ուղղությունը: Դա օրգանապես կապված էր XVIII դարի առաջավոր մտքի հետ, սնվում էր նախորդների գաղափարական ակունքից:

Խ. Արուսեանի, Մ. Թադևոսյանի, Հ. Ալամդարյանի և նրանց համախոհների համար գլխավոր հարցը հայրենիքի ազատության ու առաջադիմության հարցն էր: «Ապրել և մեռնել հայրենիքի համար, ահա այն խնդիրը, որ ես րնտրել եմ պատանեկան տարիներից ի վեր», — ասում էր Խ. Արուսեանը: «Մեր արմատը մեր հայրենիքն ա, — ասում էր Մ. Թադևոսյանը, — ուրեմն ով կամի երջանիկ կալ, նախ պիտի իր հայրենյաց երջանկության միտ դնի»:

Խ. Արուսեանն առաջինն էր, որ ամբողջ սրությամբ բարձրացրեց հայ ժողովրդի ազգային գիտակցության զարգացման, ազգային ինքնաճանաչման ու համախմբման հարցերը: Նրա գլուխ-գործոցը՝ «Վերք Հայաստանի ողբ հայրենասիրի» պատմական վեպը, հայ ժողովրդի XIX դարի առաջին կեսի ոչ միայն գեղարվեստական խոսքի, այլև հասարակական մտքի ամենանշանավոր կոթողն է: Դիպուկ է ասել Միքայել Նալբանդյանը՝ «Վերք Հայաստանի»-ի մեջ «մարմին է առել ազգի հոգին, ազգի ներկա վիճակը, ազգի հասկացողությունը»:

1830—1840-ական թվականներին Խ. Արուսեանի գլխավորած դեմոկրատական-լուսավորական ուղղությունը 1850—1860-ական թվականներին թևակոխեց իր զարգացման նոր, ավելի բարձր էտապը՝ հեղափոխական-դեմոկրատական էտապը:

XIX դարի 50—60-ական թվականները բեկման կետ հանդիսացան հայ ժողովրդի կյանքում: Իրենց դարն ապրած ֆեոդալական հարաբերությունները տեղի տվեցին կապիտալիստական հարաբերություններին, նոր փոփոխություններ, նոր տեղաշարժեր կատարվեցին երկրի սոցիալ-տնտեսական, հասարակական-քաղաքական ու կուլտուրական կյանքում:

Արևելյան Հայաստանը Ռուսաստանին միանալուց հետո ազատագրվեց արևելյան դեսպոտիզմի և ծայր աստիճան հետամնաց ֆեոդալական կուրգերի կապանքներից ու բռնեց զարգացման նոր, ավելի բարձր ուղի: Արևմտյան Հայաստանը մնալով, Կ. Մարքսի խոսքերով ասած, «ֆեոդալիզմի ամենացածր ու բարրարոսական ստադիայում» դանդաղ թուրքիայի լծի տակ, չկարողացավ ժամանակին անցնել կապիտալիզմի փուլը, մնաց սոցիալ-տնտեսական դար-

¹ Տես Մ. Թադևոսյան, Նոր տետրակ որ կոչի հորդորակ, Մադրաս, 1772:

դացման համեմատաբար ցածր մակարդակի վրա։ Առհասարակ հայ ժողովրդի բաժան-բաժան, մասնատված վիճակը, տարբեր և հակամարտ պետությունների տիրապետության տակ գտնվելը մեծ շարիք էր և իր կնիքն էր դնում մեր ժողովրդի երկու հատվածների տնտեսական-քաղաքական ու կուլտուրական կյանքի վրա։

Հաղթահարելով իր դարգացման ճանապարհին ընկած շատ արգելքներ ու դժվարություններ, հայ ժողովուրդը 1850—1860-ական թվականներին առաջընթաց խոշոր քայլ կատարեց և բռնեց ազգային վերածնության ուղին։ Հայ հասարակական-քաղաքական միտքը, հայկական կուլտուրան, գրականությունը, գիտությունն ու արվեստը թեկնածուներ դարգացման նոր շրջան։ Անշուշտացավ հայ բուրժուական ազգի կազմավորման պրոցեսը, նոր թափ ու լայն ծավալ ստացան ազգային-ազատագրական և կուլտուր-լուսավորական շարժումները, սրվեցին դասակարգային հակամարտությունները, հասարակական-քաղաքական հոսանքների պայքարը։

1850—1860-ական թվականները հայ հասարակական-քաղաքական մտքի պատմության մեջ չափազանց բեղմնավոր, նշանավոր դեպքերով ու դեմքերով հարուստ մի ժամանակաշրջան էր։ Դա մի ժամանակաշրջան էր, որը ծնեց մեր ժողովրդի մեծ գավակներին՝ Մ. Նալբանդյանին, Ստ. Նազարյանին, Ստ. Ոսկանին, Հ. Սվաճյանին, Մ. Մամուրյանին, Ն. Ռուսինյանին, Ս. Շահազիզին, Մ. Պեշկեպչյանին, Հ. Պարոնյանին, Պ. Դուրյանին, Բաֆուն, Ռ. Պատկանյանին, Գ. Սունդուկյանին և ուրիշներին։ 1850—1860-ական թվականները ի. Աբովյանի ու Սյաթ-Նովայի անմահ երկերի, «Հյուսիսափայլ»-ի ու «Մեղու»-ի, «Արևելք»-ի ու «Արևմուտք»-ի հրատարակության հիշարժան թվականներն են։

1850—1860-ական թվականներին հայ հասարակական-քաղաքական մտքի երեք հիմնական ուղղություն գոյություն ունեւ, որն արտահայտում էր երեք հիմնական դասակարգերի՝ ֆեոդալական վերնախավի, բուրժուազիայի և գյուղացիության շահերն ու ձգտումները։

1. Կղերա-ֆեոդալական հոսանք։ Ֆեոդալական ֆորմացիայում այդ հոսանքը ամենաազդեցիկ, տիրող հոսանքն էր, որը շարունակում էր իր գոյությունը նաև կապիտալիստական ֆորմացիայում։ Այդ հոսանքն արտահայտում էր կղերական, ֆեոդալական, աղայական շահագործող խավերի շահերը։ Դա հայ հասարակական մտքի ամենառեակցիոն ուղղությունն էր, ֆեոդալական, միապետական կարգերի պաշտպան, կյանքի հին, իր դարն ապրած ձևերի, կրոնական դոգմաների ջատագով։

Կղերա-ֆեոդալական հոսանքի ներկայացուցիչները եկեղեցին համարում էին ազգի գոյության միակ հենարանը, կրոնն ու գրաբար լեզուն՝ ազգության սյուների, դպրոցը՝ եկեղեցու դավիթը։ Նրանք դեմ էին հայ ժողովրդի ազգային-ազատագրական պայքարին, նրա լուսավորությանն ու առաջադիմությանը, աշխարհաբար լեզվին ու աշխարհիկ կրթությանը։ Այդ ուղղության պարագլուխներն էին արևելահայերի մոտ՝ Գաբրիել վարդապետ Այվազովսկին, իսկ արևմտահայերի մոտ՝ Հովհաննես Զամուռճյանը (Տերոբենց)։ Նրանք ունեին իրենց բազմաթիվ համախոհներն ու հետևորդները։ Ռեակցիոն ուղղության թերթերից էին՝ «Երևակ»-ը, «Մասլաց Աղավնի»-ն, «Ծոռաբաղ»-ը և այլն։

Կղերա-Ֆեոդալական հոսանքը, ինչպես և մյուս հոսանքները, միատարր ու միաձուլվ չէր: Բե արևելահայ և թե արևմտահայ հասարակական այդ հիմնական հոսանքների ներսում տարբեր ժամանակներում, տարբեր հարցերի նկատմամբ Լրեան են եկել տարբեր տեսակետներ, արմատական և չափավոր հայացքներ: Հասարակական-քաղաքական հիմնական հոսանքների հետ միաժամանակ գոյություն են ունեցել միջանկյալ ուղղություններ: Այսպես, օրինակ, 1860—1863 թվականներին Թիֆլիսում հրատարակվող «Կոունկ հայոց աշխարհի» հանգեսը և նրա խմբագիր Մարկոս Աղաբեկյանը պաշտպանում էին կիսակղերական, կիսալիբերալ հայացքներ: «Հյուսիսափայլ»-ի, Կ. Պոլսի «Մեղու»-ի, Զմյուռնիայի «Մաղիկ»-ի շուրջը համախմբված գործիչներից բոլորը չէ, որ «գտարյուն», հետևողական դեմոկրատներ էին կամ լիբերալներ: Նույնը կարելի է ասել նաև հետագա ժամանակների հայ հասարակական-քաղաքական հոսանքների ու գործիչների մասին: Մի բան անվիճելի է, որ հասարակական հիմնական դասակարգերից դուրս, նրանցից անկախ չեն եղել և չէին կարող լինել հասարակական-քաղաքական հիմնական հոսանքներ:

2. Լիբերալ-բուրժուական հոսանք: Այս հոսանքը ծնվեց ֆեոդալիզմի դեմ բուրժուազիայի մղած պայքարում, կապիտալիզմի զարգացման, բուրժուազիայի տնտեսական, քաղաքական և գաղափարական դիրքերի հաստատման ու ամրապնդման շրջանում:

Լիբերալ-բուրժուական հոսանքը արտահայտում էր նոր զարգացող բուրժուազիայի շահերը, պայքարում էր ֆեոդալական, միապետական հետամնաց կարգերի դեմ և ձգտում հաստատել բուրժուական կարգեր: «Լիբերալները եղել են և մնում են բուրժուազիայի գաղափարախոսներ»², — ասում է Վ. Ի. Լենինը:

Բուրժուական լիբերալները ձգտում էին ֆեոդալական հին կարգերը փոխել խաղաղ ճանապարհով, ռեֆորմների միջոցով: Նրանք դեմ էին հեղափոխական պայքարին, ժողովրդական, մասսայական շարժումներին, ներքևից եկող ազատության:

Լիբերալները հանդես եկան կղերա-ֆեոդալական հոսանքի դեմ հայ հասարակական կյանքի եվրոպականացման-բուրժուականացման նշանաբանով, ազգային կրթության, լուսավորության, լեզվի, գրականության ու արվեստի զարգացման համար: Եվ այնքանով, որքանով ֆեոդալիզմի համեմատությամբ կապիտալիզմը մի խոշոր առաջընթաց քայլ էր, այդքանով էլ, կղերա-պահպանողականների համեմատությամբ, լիբերալ-բուրժուական հոսանքը առաջադիմական էր:

Լիբերալ-բուրժուական ուղղության աչքի ընկնող ներկայացուցիչներից էին Ստեփանոս Նազարյանը, Նահապետ Ռուսինյանը, Գրիգոր Ոտյանը և ուրիշներ: Ստ. Նազարյանը հայ լուսավորական շարժման խոշոր դեմքերից մեկն էր, մեծ լուսավորիչ և Արմավրյանի մտերիմ ընկերը: Նա Դուրսյանի համալսարանի շրջանավարտ էր, արևելագիտության առաջին հայ դոկտորը, Կազանի համալսարանի և Լազարյան ճեմարանի պրոֆեսոր, իր ժամանակի կրթված մարդկանցից մեկը: Մեծ է եղել Ստ. Նազարյանի դերը հայ հասարակական մտքի, հայոց լեզվի, գրականության, գիտության ու արվեստի զարգացման գործում: 1858 թվականին Մոսկվայում, Մ. Նալբանդյանի հետ միա-

² Վ. Ի. Լենին, Երկեր, հ. 17, էջ 153:

սին, նա հիմք դրեց իր ժամանակի ամենաառաջադիմական ամսագրին՝ «Հյուսիսափայլ»-ին, որի առաջին էջի վրա դրոշմված էին հետևյալ նշանավոր խոսքերը. «Այսուհետև ոչինչ նցիպտոսյան խորամանկ քուրմեր, որ կամէին լինել պիտության միայնակ պահապանքը. այսուհետև ոչինչ Չինեական պարիսպ, որ պիտո էր փակել լուսավոր գաղափարների մուտքը ազգերի մեջ, Այսուհետև լույս և ճշմարտություն և ազատություն խավարի բաբելոնյան գերությունից»³:

Ազգային կրթության ու լուսավորության, աշխարհարար լեզվի, գրականության, թատրոնի և մի շարք այլ հարցերում Ստ. Նազարյանը կանգնած էր առաջադիմական դիրքերում և Մ. Կալանդարյանի հետ միասին գլխավորում էր կղերա-ֆեոդալական հոսանքի դեմ մղվող պայքարը: Չնայած իր լիբերալ հայացքներին, Ստ. Նազարյանը հանդիսանում է 1840—1860-ական թվականներին լուսավորական շարժման ջահակիրներից մեկը:

Արևմտահայ իրականության մեջ բուրժուական լիբերալիզմի գաղափարների տարածման, աշխարհարար լեզվի, ազգային կրթության ու դատիարակության զարգացման ասպարեզում առանձնապես մեծ դեր խաղացին Ն. Ջորայանը, Ն. Ռուսինյանը, Գ. Օտյանը, Սերվիլեն և ուրիշներ:

3. Հեղափոխական-դեմոկրատական հոսանք: 1850—1860-ական թվականներին հայ հասարակական-քաղաքական մտքի ամենաարմատական, ամենաառաջավոր ուղղությունը հեղափոխական-դեմոկրատական ուղղությունն էր: Եթե կղերա-ֆեոդալական և լիբերալ բուրժուական հոսանքներն արտահայտում են շահագործող դասակարգների շահերը, ապա հեղափոխական-դեմոկրատները հանդիսանում էին շահագործվողների՝ գյուղացիների, արհեստավորների, դեմոկրատական լայն խավերի շահերի պաշտպաններ:

Հեղափոխական-դեմոկրատական հոսանքը հայ իրականության մեջ հանդես եկավ XIX դարի կեսերին, ներքին և արտաքին հարստահարողների դեմ աշխատավորական մասսաների մղած սոցիալական և ազգային-ազատագրական պայքարի պայմաններում: Ցարիզմի և սուլթանիզմի դեմ մղվող արևելահայ և արևմտահայ գյուղացիական ապստամբություններն ու ազգային-ազատագրական շարժումները մի կողմից, ռուսական և համանվրոպական հեղափոխական շարժումները, մյուս կողմից, սնում ու լիցք էին տալիս հայ հեղափոխական-դեմոկրատական հոսանքին:

XIX դարի 50—60-ական թվականներին հայ հասարակական մտքի ամենախոշոր դեմքը, հեղափոխական-դեմոկրատական հոսանքի պարագլուխը Միրալը Նալբանդյանն էր: Նա առաջինն էր, որ իր ամբողջ խորությամբ քննադատեց հայ ժողովրդի սոցիալական և ազգային ազատագրության գաղափարը և անվահեր կերպով պայքարի ելավ այդ վեճ գաղափարի կենսագործման համար:

«Մենք ազատակամ նվիրեցինք մեզ հասարակ ժողովրդի իրավունքի պաշտպանելու: Մեր անձը և զբիշը շնվիրեցինք հաբուսեմներին... եվ այս նպատակին հասնելու համար չէ պիտո բնկրկինք ոչ բանտի և ոչ ափսոսի առջև, ոչ միայն բանտի և դռնի, այլև գեներով և արյունով, երբ մի օր արժանի լինինք գեներ առնուլ մեր ձեռքը և մինչև այժմ բարոգած ազատությունը նվիրել և

³ «Հյուսիսափայլ», 1858, № 1:

սրբել մեռ արյունով: Ահավասիկ մեռ դավանությունը, որի մեջ տեսնում ենք ազգի փրկությունը»⁴:

Մ. Նալբանդյանը ժողովրդին պայքարի էր կոչում բռնակալության դեմ, պաշտպանում էր ազգերի իրավահավասարության սկզբունքը: «Մենք թշնամի ենք բռնակալության, ուր կամ ինչ կերպով որ հայտնվի» — դրում է նա: «Մենք ուրախ չենք, որ մի ազգ ճնշում է, հարստահարում է մյուս ազգը: Հերիք է ասում ենք, որ մի ազգություն յուր մի շամփուր խորովածի համար մորթում է մյուս ազգության եզր»⁵:

Մ. Նալբանդյանը պայքարում էր ժողովրդի ոչ միայն ազգային, այլև սոցիալական ազատագրության համար: Տնտեսական խնդիրը նա համարում է կյանքի և մահու խնդիր: «Եթե ազգության ներքին ու էական խորհուրդը չէ տնտեսական խնդիրը, — դրում է նա, — անհիմն է այդ ազգությունը, սուտ է այդ ազգությունը և նա կկործանվի... Դու հազար տարի քարոզել ինձ քո վերացական ազգությունը, ես միշտ չպիտի հասկնամ»⁶: Մի այլ տեղ նա գրում է. «Ազատությունը ըստ ինքյան լուկ խոսք է և իրողապես չէ կարող մարմնանալ, առանց տնտեսական խնդրի լուծվելուն»⁷:

Հայ հասարակական-քաղաքական մտքի պատմության մեջ Մ. Նալբանդյանն առաջինն էր, որ հայ ժողովրդի ազատագրական պայքարը դրեց հեղափոխական-դեմոկրատական ուղու վրա, կապելով այդ ռուսական և համաեվրոպական հեղափոխական շարժման հաղթանակի հետ: Այս ամենից հետո, ցավալի է, երբ մեր գրականության մեջ տեղ են գտնում այնպիսի հնացած տեսակետներ, որոնք մեծ հեղափոխական-դեմոկրատին փաստորեն դարձնում են ռեֆորմիստ:

Մ. Նալբանդյանը հայ հեղափոխական-դեմոկրատական ուղղության ամենակարկառուն դեմքն էր, բայց նա մենակ չէր. ինչպես արևելահայերի, այնպես էլ արևմտահայերի մեջ նա ուներ իր զինակիցներն ու հետևորդները: Արևմտահայ հեղափոխական-դեմոկրատիայի տրիբունը՝ «Մեղու» թերթի խմբագիր Հարություն Սվաճյանն էր: Մ. Նալբանդյանի գաղափարակիցներից ու համակրողներից էին նաև բոցաշունչ հրապարակախոս Մաթևոս Մամուրյանը, Սերոբե Թագվորյանը, Արմենակ Հայկունին և ուրիշներ:

1850—1860-ական թվականների հեղափոխական-դեմոկրատական և լուսավորական շարժումը հայ ժողովրդի քաղաքական և գաղափարական հասունության արտահայտությունն էր: Դա սրգանապես կապված էր մեր ազգային-ազատագրական շարժումների վերելքի, ազգային-կուլտուրական վերածնության հետ: Դա, իր առանձնահատկություններով հանդերձ, մի ընդհանուր համազգային պրոցես էր և նիշտ չէ, երբ արհեստականորեն բաժանում, իրարից կտրում-անջատում են, երբեմն էլ իրար հակադրում, նույն արմատի վրա աճած ճյուղերը, արևմտահայ և արևելահայ հասարակական-քաղաքական հոսանքները, ազգային-ազատագրական շարժումները, կուլտուրան, դրականությունը, գիտությունն ու արվեստը:

4 Մ. Նալբանդյան, Երկերի լիակատար ժողովածու, հ. 3, 1940, Երևան, էջ 23—24:

5 Նույն տեղում, էջ 81—82:

6 Նույն տեղում, էջ 91:

7 Նույն տեղում, էջ 61:

XIX դարի 50—60-ական թվականների հայ հասարակական-քաղաքական մտքի շերտավորումներն ու պայքարը նշված երեք հոսանքներով չէր սպառվում: Հիմնական այդ հոսանքների կողքին կային նաև միջանկյալ ուղղութիւններ, սոցիալական միջանկյալ շերտերի զաղափարախոսներ, որոնք, սակայն, վճռական դեր չէին կատարում և չէին էլ կարող կատարել:

Կղերա-ֆեոդալական, լիբերալ-բուրժուական և հեղափոխական-դեմոկրատական հոսանքների պայքարը շարունակվեց նաև հետագա շրջանում, իր վրա կրելով սոցիալ-տնտեսական կյանքում առաջացած նոր փոփոխութիւնների կնիքը: Այդ հոսանքներից ամեն մեկը յուրատեսակ էվոլյուցիա ապրեց, հարմարվելով նոր միջավայրին, ունկնդրելով իրենց թիկունքում կանգնած հասարակական դասակարգերի նոր պահանջներին:

Կղերա-ֆեոդալական հոսանքը 1850—1860-ական թվականներին ջախջախիչ հարվածներ ստացավ լուսավորիչներից և հատկապես հեղափոխական-դեմոկրատներից, այնուհետև կապիտալիզմի զարգացման հետևանքով աստիճանաբար թուլացավ և կորցրեց իր երբեմնի ազդեցիկ դիրքերը: 1870—1880-ական թվականներին այդ ուղղության դերը փաստորեն իրենց վրա վերցրին «Մեղու Հայաստանի» (խմբագիր Պ. Սիմոնյան) և «Նոր Դար» (խմբագիր Սպ. Սպանդարյան) թերթերի շուրջն համախմբված պահպանողականները: Շիշտ չէր լինի, իհարկե, Պ. Սիմոնյանին և Սպ. Սպանդարյանին նույնացնել Գ. Այվազովսկու կամ Հ. Չամուռճյանի հետ: Նրանց հայացքների մեջ եղած ընդհանուր գծերի հետ մեկտեղ, կային նաև էական տարբերութիւններ: Սակայն փաստը մնում է փաստ, որ պահպանողականները, ծվարած եկեղեցու և հոգեվորականության շուրջը, պայքարում էին առաջադիմական ուժերի դեմ, բացասական դիրք էին բռնել ազգային-ազատագրական և հեղափոխական շարժումների նկատմամբ, սխալ կողմնորոշում ունեին արտաքին քաղաքական հարցերում և այլն: Կղերա-պանդանոցական ուղղությունը մնում էր որպես հայ կյանքի ամենահետադիմական ուղղությունը:

Լիբերալ-բուրժուական հոսանքը կապիտալիզմի զարգացման շնորհիվ հետզհետև ամրապնդեց իր դիրքերը: Այդ ուղղության կենտրոնական օրգանն էր «Մշակ»-ը, որը լույս էր տեսնում Թիֆլիսում 1872 թվականի հունվարից, Գրիգոր Արծրունու խմբագրությամբ:

Գր. Արծրունին տաղանդավոր հրապարակախոս էր, ժամանակի աչքի ընկնող հասարակական-քաղաքական գործիչներից մեկը: Նա շարունակում էր Ստ. Նազարյանի և «Հյուսիսափայլ»-ի գիծը ազգային լուսավորության, լեզվի և կուլտուրայի հարցերում, Գր. Արծրունին և նրա «Մշակ»-ը պայքարում էին «Մեղու Հայաստանի» և «Նոր դար»-ի պահպանողական, հետադիմական հոսանքների դեմ: Պատահական չէ, որ ժողովրդի մեջ մշակակաները ճանաչված էին որպես առաջադիմականներ, իսկ մեղավականներն ու նորդարականները՝ հետադիմականներ:

Ժամանակի այրող հարցերում՝ հայ ազատագրական շարժումների և հայկական հարցում, մշակականներն ու պահպանողականները կանգնած էին տարբեր դիրքերում: «Մշակ»-ը և Գր. Արծրունին ազատագրական ակտիվ պայքարի կողմնակիցներ էին: Ինչպես ցույց են տալիս նորահայտ փաստերը, Գր. Արծրունին, լեզու և անյեղալ կիրպով, զաղափարական, բարոյական և նյութական օգնութիւնն ու օժանդակութիւնն էր ցույց տալիս արևելահայ և արև-

մըտահայ ազատագրական շարժման գործիչներին, սերտ կապեր ունենալու և ազատագրական գաղտնի խմբակների և նրանց ղեկավարների հետ:

Հայկական հարցում Գր. Արծրունին և «Մշակ»-ը պաշտպանում էին այն տեսակետը, որ հայերը, Բալկանյան ժողովուրդների նման, պետք է ապրատամբվեն, ղենքի դիմեն և Ռուսաստանի օգնությամբ ազատագրվեն թուրքական բռնակալության լծից: Արևմտահայերի ազատագրության այս տեսակետի վրա էին կանգնած նաև ազգային-դեմոկրատական հայացքներ ունեցող մերականավոր գրողներ Ռ. Պատկանյանը, Բաֆֆին և ուրիշներ:

Արծրունին, Պատկանյանը, Բաֆֆին քննադատում էին արևմտավրոպական մեծ տերությունների, հատկապես Անգլիայի ու Գերմանիայի նենգ ու խարդախ քաղաքականությունը հայերի նկատմամբ, հայկական հարցի լուծումը կապում էին Ռուսաստանի օգնության հետ: Գր. Արծրունին արտահայտելով հայ ժողովրդի ձնշող մեծամասնության մեջ տիրող կարծիքը, հանդես էր գալիս որպես ռուսական կողմնորոշման ջերմ պաշտպան: Զարմանալի չէ, որ գերմանական պաշտոնական ստորաքարշ թերթերը, Գր. Արծրունուն պրովոկացիայի ենթարկելու նպատակով, հայտարարեցին «ռուսական լրտես»:

Արևմտահայերի ազատագրության և ռուսական օրինետացիայի հարցերում «Մշակ»-ին հակառակ դիրքերի վրա էին կանգնած ազգային պահպանողականները: Նրանք դեմ էին Գր. Արծրունու, Բաֆֆու, Պատկանյանի ապստամբական կոչերին, ակտիվ պայքարի գործողություններին, ռուսական օրինետացիային և այլն:

Անտեսելով պատմական այս փաստերը, որոշ հեղինակներ այն տեսակետն են պաշտպանել, թե հայ ազատագրական շարժման մեջ սկզբից ևեթ գոյություն է ունեցել երկու օրինետացիա՝ բուրժուազիան հարել է արևմտավրոպական, իսկ դեմոկրատիան՝ ռուսական օրինետացիային: Դա, իհարկե, պատմական մոտեցում չէ: Գր. Արծրունին հայ լիբերալ բուրժուազիայի գաղափարախոսն էր, բայց ռուսական օրինետացիա ուներ: Արևելահայ բուրժուազիան, որն իր տնտեսական շահերով կապված էր Ռուսաստանի հետ, ռուսական օրինետացիա ուներ և ոչ թե արևմտավրոպական: Դրությունը փոխվեց Հոկտեմբերյան հեղափոխությունից հետո:

Ինչ ընթացք ունեցավ հեղափոխական-դեմոկրատական հոսանքը: Մ. Նալբանդյանի մահվանից հետո այդ հոսանքի գործունեությունը ղգալիորեն թուլացավ: Ցարական և սովետական բռնապետական կարգերում հեղափոխական-դեմոկրատները զուրկ էին ազատ գործելու հնարավորությունից: Մահը էր նրանց աշխատանքի ու պայքարի պայմանները, զորեղ էին նրանց ներքին և արտաքին թշնամիները: Մ. Նալբանդյանի կորուստը մեծ եղավ ամբողջ ժողովրդի և հատկապես հեղափոխական-դեմոկրատական հոսանքի հետագա գործունեության համար: Մ. Նալբանդյանից հետո հանդես չեկավ նրա նման մարտնչող հեղափոխական: Նա մնաց մինչև արքայազնական հայ հասարակական-քաղաքական մտքի ամենախոշոր դեմքը:

Հարկավ, այս չի նշանակում, թե Մ. Նալբանդյանից հետո դադարեց հեղափոխական միտքը, Նալբանդյանի հետ գերեզման իջան նաև նրա գործն ու գաղափարները: Մ. Նալբանդյանը ծնվեց ժողովրդի ծոցից, դարձավ ժողովրդի իղձերի ու ցանկությունների լավագույն արտահայտիչը, նրա ազատադրական պայքարի ոգեշնչողն ու ղեկավարը: Մեծ դեմոկրատի ազատասիրա-

կան ու հայրենասիրական գործն ու գաղափարները իսր արմատներ զցեցին ժողովրդի մեջ, սերունդներ դաստիարակվեցին նրա գործի ու գաղափարների վրա։

Մ. Նալբանդյանն ունեցավ իր հետևորդները։ Նրա ցանած սերմերը շուտով սկսեցին ծիլեր արձակել։ Հայ ժողովուրդը միշտ վառ պահեց ազատության երգչի ու մարտիկի պայծառ հիշատակը։ Մ. Նալբանդյանի հայրենասիրական ու ազատասիրական գաղափարները մուտք գործեցին Հայաստանի գյուղերն ու քաղաքները, ոտքի հանեցին ղեմոկրատական լայն խավերին՝ Գերագանցապետ Մ. Նալբանդյանի ու նրա զինակիցների, հեղափոխական-ղեմոկրատական հոսանքի ազդեցության տակ է, որ Հայաստանում հանդես եկան հայրենասիրական-ազատագրական գաղտնի խմբակները և ոչ րե լիբերալ հոսանքի, ինչպես այդ հրամցնում են բուրժուազիայի ապոլոգետները։

Մեծ է եղել Մ. Նալբանդյանի բարերար ազդեցությունը ինչպես 1850—1860-ական թվականներին, այնպես էլ հետագա ժամանակների հայ հասարակական մտքի, ազդային-ազատագրական շարժումների, աշխատավորական մասսաների սոցիալ-դասակարգային պայքարի վրա։

Գրականության մեջ այն կարծիքն է հայտնվել, թե հայ հեղափոխական-ղեմոկրատական հոսանքին հաջորդել է ազդային-նարողնիկական ուղղությունը, իսկ Մ. Նալբանդյանին՝ նարողնիկները։ Գտնվեցին մարդիկ, որոնք նույնիսկ Նալբանդյանին համարեցին նարողնիկ, «նարողնիկական շարժման հիմնադիրը Հայաստանում»։ Այդպես մտածողները հայ հասարակական մտքի պատմությունից չնչում են հեղափոխական-ղեմոկրատական ուղղությունը և փոխարենը դնում նարողնիկությունը։

Նարողնիկությունը, որը հսկայական դեր խաղաց ռուսական իրականությունում, չնույնացվեց հեղափոխական-ղեմոկրատական հոսանքի հետ։ Ռուսական հասարակական մտքի պատմության մեջ հեղափոխական-ղեմոկրատական հոսանքը իր տեղն ունի, նարողնիկությունը՝ իր տեղը. դրանք երբեք չեն նույնացվում և չի էլ կարելի նույնացնել։ Առավել ևս հայ հասարակական մտքի պատմության մեջ չի կարելի հեղափոխական-ղեմոկրատական ուղղությունը փոխարինել նարողնիկական ուղղությամբ։

Ժիշտ չէ նաև այն տեսակետը, թե հայ հեղափոխական-ղեմոկրատական հոսանքին հաջորդել է նարողնիկական հոսանքը և 1870—1880-ական թվականներին եղել է տիրող ուղղություն։

Նարողնիկությունը ռուսական երևույթ էր, ռուսական հասարակական-քաղաքական կյանքի որոշակի ժամանակաշրջանի արտահայտություն։ Հայաստանն Ռուսաստան չէր. հայ ժողովրդին հուզող հարցերն էլ տարբեր էին։ XIX դարի երկրորդ կեսին հայ հասարակական միտքը կրժող հարցերը՝ ազգային-ազատագրական պայքարը, հայկական հարցը, սուլթանական և ցարական բռնակալության լծից հայ ժողովրդի ազատագրություն, Հայաստանի վերամիավորման և բազմաթիվ այլ հարցեր, նարողնիկության համար բնորոշ հարցեր չէին։ Պատահական չէ, որ Հայաստանում նարողնիկական կազմակերպություններ չեն եղել։ Բայց, եղել են առանձին անհատներ, գերազանցապես Ռուսաստանում սովորող և ռուսական կրթություն ստացած հայ երիտասարդներ, որոնք հարել են նարողնիկությանը, մասնակցել Ռուսաստանում և Անգրկով-

կասում գործող նարոդնիկական գաղտնի խմբակների աշխատանքներին, ոմանք նույնիսկ աչքի ընկնող դեր կատարելու

Ռուսական նարոդնիկությունը, անկասկած, որոշակի ազդեցություն է ունեցել արևելահայ հասարակական-քաղաքական մտքի վրա: Բայց, այդ չի նշանակում, թե նա եղել է հայ հասարակական մտքի տիրող ուղղություն, երբ Հայաստանի և հայ ժողովրդի մեծ մասում՝ Թուրքիայի տիրապետության տակ գտնվող Արևմտյան Հայաստանում նարոդնիկությունը ոչ մի դեր չի կատարել: Չի կարելի մեխանիկորեն ռուսական նարոդնիկությունը տեղագրել Հայաստանում և նարոդնիկի յառիկ փակցնել Մ. Նալբանդյանի ու մյուս ազգային հեղափոխական գործիչների վրա: Բոլոր դեպքերում պետք է հարցին կոնկրետ պատմական մոտեցում ունենալ և իրեն իրենց անունով կոչել:

Մենք այն կարծիքին ենք, որ XIX դարի 70—80-ական թվականներին հայ հասարակական-քաղաքական մտքի տիրող ուղղությունը եղել է ոչ թե ռուսական նարոդնիկությունը, այլ հայ ազգային-դեմոկրատական ուղղությունը: Աշխատավորական, դեմոկրատական լայն խավերի շահերի արտահայտիչները Հայաստանում հանդիսանում էին ազգային-դեմոկրատները: Նրանք այս ու այն չափով հանդես էին գալիս նաև որպես Մ. Նալբանդյանի գործի ու գաղափարների շարունակողներ ու պաշտպաններ: Ազգային-դեմոկրատները ժողովրդի ճնշող մեծամասնությունը կազմող մանր արտադրողների՝ գյուղացիների, արհեստավորների և մյուս խավերի գաղափարախոսներն էին:

Ազգային-դեմոկրատական ուղղության աչքի ընկնող ներկայացուցիչներից էին Բաֆֆին, Ռ. Պատկանյանը, Հ. Պարոնյանը, Մ. Մամուրյանը, Մերենցը, Ղ. Աղայանը, Ա. Արփիարյանը, Ա. Թոխմախյանը, 1869 թվականին Ալեքսանդրապոլում, 1872 թ. Վանում, 1881 թ. Կարինում, 1882 թ. Մոսկվայում հիմնված ազատագրական գաղտնի խմբակների ղեկավարները և ուրիշներ:

Ազգային-դեմոկրատներն, իհարկե, հեղափոխական-դեմոկրատներ չէին. բայց նրանք լիբերալներ էլ չէին: Նրանց համար խորթ էր բուրժուական լիբերալիզմը, առանձնապես նրա բնորոշ գծերից մեկը՝ նացիոնալիզմը: Ազգային-դեմոկրատները պայքարում էին ռեակցիոնների և ապստամբականների դեմ, ցարիզմի ու սուլթանիզմի դեմ՝ հայ ժողովրդի ազգային ու սոցիալական ազատագրության համար: Բուրժուական-լիբերալների և ազգային-դեմոկրատների միջև այս և բազմաթիվ այլ հարցերում մեծ տարբերություններ կային:

Ուստի ճիշտ չեն բոլոր նրանք, ովքեր նույնացնում են այդ երկու տարբեր հոսանքները և դրանով իսկ մեր ժողովրդի լավագույն գործիչներից ու գրողներից շատերին կապում բուրժուական լիբերալիզմի հետ: Ես արդեն չեմ խոսում ա՛յն մասին, որ մեր ականավոր գրողներից և ազատագրական շարժման նշանավոր գաղափարախոսներից ոմանց (Բաֆֆի, Պատկանյան և ուրիշներ) եռահարկ ու քառահարկ պիտակներ են կպցվել — «ազգային պահպանողական», «բուրժուական-լիբերալ», «ազգային-ռեֆորմիստ», «հակահեղափոխական նացիոնալիստ» և այլն:

Ուսումնասիրողներից ոմանք էլ ընկել են հակառակ ծալքահեղության մեջ. մեր մի շարք նշանավոր գրողների ու գործիչների (Բաֆֆի, Պարոնյան, Մամուրյան և ուրիշներ) համարել են հեղափոխական-դեմոկրատներ:

Բաֆֆին XIX դարի երկրորդ կեսի մեր գրականության ամենախոշոր դեմքն է, հայ ժողովրդի ազատության ու առաջադիմության ջերմ պաշտպանը:

Րաֆֆու կյանքի ու գործունեության, գրական մեծ վաստակի բազմակողմանի գիտական վերլուծությունը մեզ հիմք չի տալիս նրան դասելու ոչ հեղափոխական-դեմոկրատների և ոչ էլ մանավանդ բուրժուական լիբերալների շարքը:

Մաթևոս Մամուրյանը XIX դարի երկրորդ կեսի արևմտահայ նշանավոր մտածողներից է: 1870—1880-ական թվականներին նա անողոր քննադատության էր ենթարկում ռեակցիոն Հ. Զամուռնյանին, հայ ամիրաններին ու կղերականներին: «Այս հրեշներն արդարության և իրավանց նշույլ անգամ չունեն,— գրում է Մամուրյանը,— թաղել են ազգային շահն ու ապագան իրենց կրից մեջ... անդադար կծծեն ողորմելի ժողովրդի արյունը»: Խոսելով գյուղացիների ճնշման մասին նա գրում է. «Հայ գյուղացին կհարստահարի ներսեն ու դրսեն, կհեծեծե, կլա, բայց որմէ խնդրէ արդարությունը»:

Հայ ժողովրդի ազգային-ազատագրության և մի շարք այլ հարցերում Մ. Մամուրյանը պաշտպանում էր արմատական դեմոկրատական տեսակետներ, բարձր էր գնահատում Մ. Նալբանդյանին՝ անվանելով նրան «մեծ մարդ», «ճշմարտության և ազատության համար հոգի և շունչ տվող գործոն իմաստասեր» և այլն: Սակայն, իր ամբողջության մեջ վերցրած, իր հիմնական գործով ու գաղափարներով Մ. Մամուրյանը, ինչպես և Րաֆֆին ու Պարոնյանը, հեղափոխական-դեմոկրատներ չէին, նրանց դեմոկրատիզմը չհասավ Մ. Նալբանդյանի և նույնիսկ Հ. Սվաճյանի հեղափոխական-դեմոկրատիզմին:

Այսպիսով, մենք մեղանշած կլինենք պատմական ճշմարտության առաջ, եթե Րաֆֆուն, Պատկանյանին, Պարոնյանին, Մամուրյանին, Պեշիկթաշլյանին, Ծերենցին, Աղայանին, Արփիարյանին և մյուս դեմոկրատ գրողներին ու գործիչներին համարենք հեղափոխական-դեմոկրատներ կամ բուրժուական-լիբերալներ:

1870—1880-ական քվականների մեր բոլոր առաջավոր գրողներն ու հասարակական-քաղաքական գործիչները, որոնք հանդես էին գալիս աշխատավոր ժողովրդի, դեմոկրատական լայն խավերի ազգային շահերի պաշտպանությամբ, պատկանում էին ազգային-դեմոկրատական ուղղությանը: Այդ էր ժամանակի տիրող ուղղությունը:

Հարկ է նկատել, որ ինչպես հայ հասարակական մտքի մյուս հոսանքների, այնպես էլ ազգային-դեմոկրատների մեջ եղել են արմատական և չափավոր, հետևողական և անհետևողական տարրեր: Մեր խոսքը գլխավոր ուղղության, տիրապետող հայացքների մասին է:

1880—1890-ական թվականներին հայ իրականության մեջ հանդես են գալիս քաղաքական կուսակցությունները: Առաջին քիչ թե շատ կազմակերպված կուսակցությունը՝ 1885 թվականին Ֆրանսիայի Մարսել քաղաքում հիմնրված Լուսակցությունների կուսակցությունն էր: Արմենական կուսակցության հիմնադիրը արևմտահայ աչքի ընկնող մտավորական, «Արմենիա» թերթի խմբագիր Մկրտիչ Փորթուգալյանն էր, իսկ Վանի ամենաուժեղ կազմակերպության հիմնադիրը՝ Մկրտիչ Ավետիսյանը: «Արմենիա»-ն կուսակցության գլխավոր օրգանն էր և ուներ հայրենասիրական, ազատասիրական ուղղություն:

«Արմենիա»-ի և արմենականների գլխավոր նպատակը Արևմտյան Հայաստանի ազատագրությունն էր թուրքական բռնակալության ծանր լծից: 1886 թ. խոսելով հայ ժողովրդի ներքին և արտաքին կեղեքիչների մասին, Մ. Փորթուգալյանը գրում է. «Քաղաքական ստրկությունը, ապահովության բա-

ցակայությունը, տնտեսական անստույգ և միշտ աղետաբեր վիճակը, հարըստահարող և ճնշող ձեռքեր, որոնք թե ննրսեն և թե գրսեն ծանրացած են մեր խեղճ ազգի գլխին վրա, անտանելի դժոխային վիճակ ստեղծած են մեր հայրենիքի մեջ»:

Արմենականներն ունեին իրենց ծրագիրը, որը կոչվում էր «Կառավարական-առաջնությունի ազատություն»⁸: Դա տակավին հեղհեղուկ ծրագիր էր, որի վրա նկատելի էր բուրժուական և անգամ կղերական հայացքների ազդեցությունը: Սակայն, հիմնականում դա ազգային-դեմոկրատական, ազատագրական բուհանդակություն ուներ:

Հայ ժողովրդի և հատկապես արևմտահայության ազատագրական պայքարի պատմության մեջ արմենականները աչքի ընկնող, հրական դեր խաղացին: Բայց նրանք չկարողացան մասնաշաղկապ կուռ կազմակերպություն ստեղծել և միշտ ուղիներ նշել հայ ազատագրական շարժման համար:

1887 թ. ժնևում (Շվեյցարիա) մի խումբ կովկասահայ ուսանողներ հիմք են դնում հնչակյան կուսակցությանը: Նրանք հրատարակում էին «Հնչակ» թերթը, որի անունով էլ կոչվեց կուսակցությունը: Հնչակյան կուսակցության հիմնադիրներն էին Ավետիս և Մարո նազարբեկյանները, Ռուբեն Խանազատը և ուրիշներ: 1887 թ. կազմվում և 1888 թ. հրատարակվում է հնչակյանների ծրագիրը: Այստեղ շարադրված են հնչակյան կուսակցության հիմնական սկզբունքները, նրա մոտակա և հեռավոր նպատակները:

Հնչակյաններն իրենց մոտակա խնդիրը համարում էին Արևմտյան Հայաստանի ազատագրումը թուրքական լծից, «ընդարձակ ուսակապետական, քաղաքական ազատություն և ազգային անկախություն» ստեղծելը: Իրենց հեռավոր նպատակը, իրենց իդեալը նրանք համարում էին փոքրամասնություն կողմից մեծամասնության ճնշման ու շահագործման վերացում, սոցիալիստական հասարակական կազմակերպության հաստատում⁹:

Հնչակյաններն իրենց հայտարարում էին սոցիալիստ և մարքսիստ: Անտարակույս, սոցիալիստական և մարքսիստական գաղափարները որոշակի ազդեցություն են ունեցել հնչակյանների վրա: Հնչակյաններից ոմանք մոտիկ կապեր են ունեցել Գ. Վ. Պլեխանովի և նրա «Աշխատանքի ազատագրության խմբակի» անդամների հետ: Նրանք թարգմանել ու հրատարակել են մարքսիստական գրականություն, հայ իրականության մեջ առաջին անգամ մարքսիստական գաղափարներ տարածել:

Սակայն հնչակյան կուսակցության համար բնորոշը սոցիալիզմը և մարքսիզմը չէր: Նրանց համար գլխավորը հայկական հարցի լուծումն էր, Արևմուտյան Հայաստանի ազատագրումը: Պատահական չէ, որ իրենց գլխավոր ուժերը և պրակտիկ գործունեությունը հնչակյանները կենտրոնացրել էին Արևմուտյան Հայաստանում: «Հեղափոխական-ապստամբական գործունեության ասպարեզն է Թուրքաց Հայաստանը»—ասված է նրանց ծրագրում: «Պետք է բռնի կերպով կերպարանափոխել, հեղաշրջել ներկա հասարակական կաղմա-կերպությունը Թուրքաց Հայաստանում, գործի ղեկով ժողովրդային ապստամբությունը»:

⁸ «Հնչակ», 1888, № 11—12.

⁹ Նույն տեղում.

1880—1890-ական թվականներին Հայաստանում և հայկական գաղթօջախներում հնչակյանները ստեղծեցին իրենց կազմակերպությունները։ Սուլթանական բռնակալության դեմ մղված պայքարում նրանք մեծ ճիգեր գործադրեցին և շատ զոհեր տվեցին, բայց ցանկալի արդյունքի չհասան։ Նրանք մեկուսացած, անկախ պայքար էին մղում այնպիսի բարդ և աննպաստ իրադրության պայմաններում, երբ հայ ժողովուրդի և մյուս մշտնջենթ ժողովուրդների համատեղ պայքարը միայն կարող էր ցանկալի արդյունքի հասցնել։ Նրանք հույսեր էին կապում մեծ տերությունների հետ, որոնք խաբուսում և նենդորեն հայկական հարցն օգտագործում էին իրենց շահերի համար։

Կյանքը շատ շուտով հնչակյաններին կանգնեցրեց մեծ դժվարությունների առաջ։ Նրանց շարքերում ներքին տարաձայնություններ ու պառակտումներ առաջացան։ 1896 թվականին ամենաուժեղ զերակազմյալ հնչակյանները՝ ներկուսակցական և միջկուսակցական (հնչակյանների ու դաշնակցականների) պայքարի անսովոր շահեր ընդունեց և մեծ վնասներ պատճառեց հայ ժողովրդին։

Հնչակյաններն իրենց համարել և այժմ էլ համարում են մարքսիստական, սոցիալ-դեմոկրատական կուսակցություն։ Դա, իհարկե, իրականության չի համապատասխանում։ Մարքսիզմը պրոլետարիատի գաղափարախոսությունն է։ Հնչակյաններն հեռու էին կանգնած պրոլետարիատից։ Բանվոր դասակարգի ազատագրության, նրա քաղաքական-դասակարգային պայքարի հարցերը հնչակյաններին քիչ էին հետաքրքրում։

Հնչակյան կուսակցությունն իրականում եղել է մանրբուրժուական, ազգային-ազատագրական կուսակցություն։ Մարքսիստական, սոցիալ-դեմոկրատական կուսակցության բնորոշ գծերից մեկը ինտերնացիոնալիզմն է։ Հնչակյանները ոչ միայն Արևմտյան Հայաստանում, այլև Կովկասում գործում էին ազգային և ոչ թե ինտերնացիոնալ սկզբունքով։ Հայ իրականության մեջ մարքսիզմի, գիտական սոցիալիզմի գաղափարների կրողը և կենսագործողը հանդիսացել է ոչ թե հնչակյան, այլ կոմունիստական կուսակցությունը։

1890 թ. Թիֆլիսում ձևավորվում է դաշնակցություն կուսակցությունը։ Նրա հիմնադիրներն էին Քրիստափոր Միքայելյանը, Սիմոն Զավարյանը, Խոստումր (Ստ. Զորյան), Խաչատուր Մալումյանը և ուրիշներ։ Դաշնակցությունն հանդես եկավ հայ բուրժուազիայի զարգացման, ազգային-ազատագրական շարժումների աշխուժացման, սոցիալական ներհակությունների ու դասակարգային պայքարի սրման պայմաններում։

Արմենականների ու հնչակյանների նման, դաշնակցության պարագլուխները հանդես եկան ազգային-ազատագրության դրոշմով։ Նրանց գաղափարական և պրակտիկ գործունեության հիմքում ընկած էր ազգային հարցը, Արևմտյան Հայաստանի ազատագրման, հայկական հարցի լուծման գաղափարը։

Պատահական չէ, որ 1890 թ. դաշնակցականներն ու հնչակյանները փորձեցին միավորվել, միացյալ կուսակցություն ստեղծել, հրատարակեցին իրենց մանիֆեստը, որտեղ կոչ էին անում բոլոր հայերին՝ երիտասարդներին, ծերերին, կանանց, հոգևորականներին, հարուստներին միանալ՝ հանուն «Թուրքաց Հայաստանի տնտեսական և քաղաքական ազատության»։

Հնչակյանների ու դաշնակցականների միավորման փորձերը հաջողությամբ չունեցան: Նրանք ոչ միայն ընդհանուր լեզու չգտան և չկարողացան միասնական ևսկատ ստեղծել, ընդհանուր թշնամու գեմ, այլև հաճախ խիստ թշնամական դիրք բռնեցին միմյանց նկատմամբ, պառակտեցին նաև ժողովորդին, թուլացրին նրա ուժերը:

ՃԼՄ դարի 90-ական թվականներին դաշնակցականներն իրենց գրեթե ամբողջ գործունեությունը կենտրոնացրին Արևմտյան Հայաստանում, իրենց գրեթե բոլոր ուժերը նվիրեցին հայկական հարցին: Նրանք դադարեցին կազմակերպություններ ստեղծեցին Արևմտյան Հայաստանում և Թուրքիայի մի շարք վայրերում՝ ազատագրական գաղափարներ տարածելու, զինված ելույթներ նախապատրաստելու համար: 1890 թ. սեպտեմբերին տեղի ունեցավ Մարգիս Կուկունյանի արշավանքը դեպի Արևմտյան Հայաստան, 1896 թ. օգոստոսին՝ Օտոմանյան բանկի գրավում, 1897 թ. օգոստոսին՝ մի քանի հարյուր ֆիդայիների հաճախորդ արշավանքը և այլն:

Ինչպես հնչակյանների, այնպես էլ դաշնակցականների հայդուկային գործողությունները, որքան էլ դրանք խիզախ ու համարձակ, անձնուրաց լինեին, չոչափելի արդյունք չտվեցին: Հայ հայրենասերների թափած արյունը չէր բուժում կենդանի մնացածների վերքերը, չէր թեթևացնում կապարի ծանրությունը: Ժողովրդին ճնշող օսմանյան բռնակալության լուծը:

Դաշնակցականների բռնած ուղին, հայ ժողովրդի ազատագրության ճիշտ ուղի չէր: Նրանք իրենց կուսակցությունը կոչում էին «հայ հեղափոխական դաշնակցություն», բայց իրականում շատ հեռու էին իսկական հեղափոխական լինելուց: Նրանք խոսում էին ամբողջ ազգի անունից, բայց իրականում պաշտպանում էին բուրժուազիայի շահերը: Իրավացի է Ստ. Շահումյանը, երբ ասում է. «Կովկասի հայ բուրժուազիան բնականորեն «Դաշնակցություն» կուսակցության մեջ տեսնում էր իր հարադատ զավակին, իր լավագույն դաշնակցին, իր շահերի լավագույն արտահայտչին ու պաշտպանին»¹⁰:

Դաշնակցությունն «նտագայում ապրեց իր էությունը: Նրա բուրժուական-նացիրոնալիստական էությունը ավելի ակնբախ դարձավ XX դարում, բանվորա-գյուղացիական հեղափոխական շարժումների վերելքի շրջանում:

XIX դարի 80—90-ական թվականներին, բանվոր գասակարգի կազմավորման և բանվորական շարժման հետ միասին, հայ իրականության մեջ հանդես է գալիս մարքսիզմը՝ միակ հետևողական հեղափոխական ուսմունքը: Մարքսիստական գաղափարները հայ պարբերական մամուլում որոշ արտահայտություն են գտել տակավին 1860—1870-ական թվականներին՝ Ստ. Ոսկանի «Արևելք» և «Արևմուտք» թերթերում, Մ. Մամուրյանի «Արևելյան մամուլ»-ում, «Մշակ»-ում և այլուր:

1880-ական թվականներից սկսվում են մարքսիստական գրականության հայերեն թարգմանության փորձերը: 1887 թ. առաջին հայ մարքսիստներից մեկը՝ Գևորգ Ղարաջյանը (Ս. Տ. Արկումեդ) ժենևում ֆրանսերենից (ռուսերենի հետ համեմատելով) թարգմանում է «Կոմունիստական մանիֆեստը»-ը և ուղարկում Մ. Փորթուգալյանի «Արմենիա»-ին տպագրելու համար: «Կոմունիստական մանիֆեստ»-ի այդ առաջին հայերեն թարգմանությունը չի տպա-

¹⁰ Ստ. Շահումյան, Երկեր, հ. 1, 1955, Երևան, էջ 185:

գրվում: Գ. Ղարաջյանը ուսանողական տարիներին ժնկում կապեր ունեւր Գ. Պլեխանովի, Վ. Զասուլիչի և ուրիշ մարքսիստների հետ, գտնվում էր նրանց գաղափարական ազդեցության տակ:

«Կոմունիստական մանիֆեստ»-ի առաջաբանում Ֆ. էնգելսը գրում է. որ 1887 թվականին Կ. Պոլսում վերածել են տպագրել «Մանիֆեստ»-ի հայերեն թարգմանությունը, բայց հրատարակիչը չի համաձայնվել Կ. Մարքսի անունով տպագրել: Այս թարգմանության հետ կապված հարցերը մինչև այժմ էլ մնում են չպարզաբանված:

«Կոմունիստական մանիֆեստ»-ի երրորդ հայերեն թարգմանությունը 1894 թ. Շտուտգարդում գերմաներենից կատարում է կովկասահայ ուսանող Հովսեփ Աթաբեկյանցը: Նա անձնական կապեր ունեւր Կ. Կառլցկու, Պարվուսի, Կ. Յետկինի և ուրիշների հետ, քաջ ծանոթ էր մարքսիստական գրականությանը: Մինչ այդ, Մ. Հովհաննիսյանի հետ, նա թարգմանել էր Ֆ. էնգելսի «Սոցիալիզմի զարգացումը ուսույթից դեպի գիտություն» աշխատությունը, որը տպագրվել էր 1894 թվականին ժնկում: «Կոմունիստական մանիֆեստ»-ի Հ. Աթաբեկյանցի թարգմանությունը նույնպես մնում է անտիպ:

1894 թ. Աթենքում հրատարակվող հնչակյան «Գաղափար» հանդեսում տպագրվում է «Կոմունիստական մանիֆեստ»-ի առաջին և երկրորդ գլուխները: Թարգմանությունը ֆրանսերենից կատարել էին Մարո և Ավետիս Նապարեկյանները: Նախատեսված էր Մանիֆեստն առանձին գրքով հրատարակել հայերեն, բայց չհաջողվեց: «Կոմունիստական մանիֆեստ»-ը հայերեն առաջին անգամ լրիվ հրատարակվեց 1904 թվականին՝ Ստ. Շահումյանի և Մ. Մառնիչարյանի թարգմանությամբ:

«Կոմունիստական մանիֆեստ»-ի և մարքսիստական այլ աշխատությունների հայերեն հրատարակությունները առաջին լուրջ քայլերն էին հայ իրականության մեջ մարքսիզմի տարածման ուղղությամբ: Մարքսիզմի առաջին տարածողները Նվրոպայում կրթություն ստացած, եվրոպական լեզուներ իմացող հայ առաջավոր երիտասարդներն էին, հայ ժողովրդի սոցիալական ու ազգային-ազատագրության գործին ու գաղափարին նվիրված մարտիկները:

Հայ իրականության մեջ մարքսիզմի տարածման գաղափարական, պրոպագանդիստական առաջին քայլերիս շուտով հաջորդեցին գործնական, կազմակերպական աշխատանքներ: Ռուսաստանից Անդրկովկաս արսորված ռուս մարքսիստների և Ռուսաստանում կրթություն ստացած հայ հեղափոխականների ջանքերով ոչ միայն լայն ծավալ ստացավ մարքսիզմի պրոպագանդան, այլև ձևավորվեցին առաջին մարքսիստական խմբակները: Մարքսիզմի տարածումը Արևելյան Հայաստանում անխզելիորեն կապվեց Անդրկովկասի և Ռուսաստանի բանվորական շարժման և մարքսիստական խմբակների գործունեության հետ: Ռուսաստանի տիրապետության տակ գտնվող և ռուսական հեղափոխական շարժման հետ կապված հայերի մեջ մարքսիզմը զարգացման պարարտ հող գտավ: հայ ժողովրդի հեղափոխական շարժումն այստեղ միահյուսվեց համառուսական հեղափոխական շարժման հետ:

Տարբեր էր իրերի դրությունը Թուրքիայի տիրապետության տակ գտնվող արևմտահայերի մոտ: Թուրքիան ծայր աստիճան հետամնաց ագրարային երկիր էր: այնտեղ չկար կազմակերպված, առաջավոր պրոլետարիատ, բանվորական շարժում, չկային հեղափոխական, մարքսիստական կազմակերպու-

թյուններ: Թուրքական լծի տակ գտնվող Արևմտյան Հայաստանում նույնպես չկար բանվոր դասակարգ և բանվորական շարժում: Նման խիստ աննպաստ պայմաններում, բնական է, մարքսիզմը չէր կարող Արևմտյան Հայաստանում տարածվել, ինչպես այդ տեղի ունեցավ Արևելյան Հայաստանում:

Արևելահայ առաջին աչքի ընկնող մարքսիստներից էր Իսահակ Լալա-յանցը, մեծ լենինի ուսանողական տարիների զաղափարակից ընկերն ու մտերիմ բարեկամը: Առաջին հայ մարքսիստներից էին նաև Ստեփան Շահում-յանը, Բոգդան Կնունյանցը, Արշակ Զուրարյանը և ուրիշներ: Այս գործիչների անվան հետ է կապված մարքս-լենինյան զաղափարների տարածման և մարքսիստական, սոցիալ-դեմոկրատական առաջին խմբակների ու կազմակերպու-թյունների ստեղծման պատմությունը:

Հայաստանում և Անդրկովկասում մարքսիզմի տարածման ուղղությամբ, անտարակույս, դրական տրոշ աշխատանք են կատարել նաև 1892 թ. Թիֆլիսում հիմնված «Հայ բանվոր հեղափոխականների ասոցիացիա»-ն և 1898 թ. կազմակերպված Թիֆլիսի հայ բանվորների միությունը:

Ասոցիացիան կազմված էր բանվորներից, արհեստավորներից և մտա-վորականներից, մեծ մասը 17—20 տարեկան երիտասարդներ էին: Նրա հիմ-նադիրներից ու ղեկավարներից էին Աշ. Խումարյանը, Ա. Խաթակյանը, Ս. Խա-նոյանը, Ս. Տեր-Ստեփանյանը, Պ. Մնացականյանը, Ս. Մարտիկյանը և ուրիշ-ներ: Ասոցիացիան ուներ իր զաղտնի տպարանը, տրտեղ 1893—1894 թթ. տպա-գրվում էր «Ազատ Հայաստան», իսկ 1894—1895 թվականներին՝ «Կոլվ» ան-լեզայ թերթերը:

Ասոցիացիան մարքսիստական, սոցիալիստական զաղափարներ էր տա-րածում հայ բանվորների ու աշխատավորական մյուս խավերի մեջ, նրանց դասակարգային պայքարի կոչում շահագործողների դեմ: Ասոցիացիայի գոր-ծունեության մեջ լայն տեղ էր զբաղում նաև հայկական հարցը, Արևմտյան Հայաստանի ազատագրության խնդիրը: Նրանց նպատակն էր՝ հեղափոխական պայքարի միջոցով տապալել բռնապետական կարգերը և Հայաստանում ստեղ-ծել ժողովրդական, դեմոկրատական կարգեր:

1894—1895 թթ. նրանք փորձեցին իրենց ճյուղերը տարածել Արևելյան և Արևմտյան Հայաստանում. բայց հաջողություն չունեցան: 1895 թ. ցարական ոստիկանությունը հայտնաբերեց և ջախջախեց հայ բանվոր հեղափոխական-ների ասոցիացիան, Կազմակերպության անդամների մի մասը հետազայում մտավ հնչակյան կուսակցության, իսկ մյուս մասը (Ա. Խումարյան, Ս. Խանո-յան, Ս. Մարտիկյան և ուրիշներ)՝ ՌՄԴԿ շարքերը:

Մարքսիստական, հեղափոխական ավելի կայուն դիրքերի վրա էր գտնվում Թիֆլիսի հայ բանվորների խմբակը: Այդ խմբակի հիմնադիրներից էին առա-ջավոր բանվորներ Մելիք Մելիքյանը (Գեղուշկա), Հայկ Փիլոսյանը (Աղամ-յան), Ասատուր Կախոյանը (բանվոր Խեչո), սոցիալ-դեմոկրատ Գևորգ Ղարաջ-յանը (Ս. Ս. Արևմուտ) և ուրիշներ:

1900—1901 թթ. խմբակն հրատարակում էր անլեզալ, ձեռագիր «Բան-վոր» թերթը, որի նախատին դրված էր՝ «Պրոլետարեն» բոլոր երկրների, միա-ցե՛ք»: Խմբակի անդամները հեղափոխական աշխատանք էին կատարում Թիֆ-լիսի բանվորության մեջ, սերտ կապեր ունեին վրացական բանվորական խմբակների հետ, գործում էին ինտերնացիոնալ սկզբունքով: Նրանք հայ բան-

վորենորին կոչ էին անում առանց ազգի խտրության, միասնական պայքար մղել բուրժուազիայի և ցարիզմի դեմ, XX դարը նրանք համարում էին սոցիալիզմի դար, բանվոր դասակարգի վերջնական ազատագրության ժամանակաշրջան։ Միութունը բնադատում էր հեղափոխականներին ու գաղնակցականներին, որոնք հայ բանվորներին ու աշխատավորներին շեղում էին հեղափոխական պայքարի ճանապարհից, մեկուսացնում իրենց դասակարգային ներախրները, չլատում նրանց ուժերը, 1901 թ. ցարական կառավարութունը հայտնաբերում ու ջախջախում է Քիֆլիսի հայ բանվորների խմբակը, նրա անդամները ոմանք հետագայում դառնում են ականավոր հեղափոխական գործիչներ։

Արևելյան Հայաստանում առաջին մարքսիստական խմբակը հիմնվում է 1899 թ. Ջալալօղլիում (այժմ Ստեփանավան) Ստ. Շահումյանի ղեկավարությամբ։ Ստ. Շահումյանը կրթված մարքսիստ էր, հավատարմ լենինյան, նա Հայաստանի և Անդրկովկասի մարքսիստական սոցիալ-դեմոկրատական կադմակերպությունների ճանաչված ղեկավարներից էր։ Նա խոշոր գեր է խաղացել Անդրկովկասի ժողովուրդների ինտերնացիոնալ համախմբման, նրանց սոցիալական ու ազգային ազատագրության գործում։

XIX դարի երկրորդ կեսին մարքսիստական գաղափարները յուփանցում են նաև հայկական գաղթախաներում ապրող հայ աշխատավորության մեջ։ Առաջավոր երիտասարդներից շատերը կանգնում են մարքսիզմի դրոշի տակ, ակտիվ մասնակցություն ունենում ավյալ երկրի մարքսիստական հեղափոխական կազմակերպությունների աշխատանքներին։ Օրինակ, 1896 թ. Բուզուրիայի Պլովդիվ քաղաքում բուլղարացի ականավոր մարքսիստ Մ. Բյազուկի նախաձեռնությամբ հիմնվում է Եվրիտասարդ հայ սոցիալիստների խմբակը, որը մարքսիստական գաղափարներ էր Եսրածում Պլովդիվի հայ բանվորների ու աշխատավորների մեջ։ Բուլղարահայ աչքի ընկնող հեղափոխական գործիչներից էին Տիգրան Իսմիլյանը (Ձիլու) և Ստեփան Շահբաղյանը։

Մաբխիզմի տարածումը և մաբխիստական խմբակների առաջացումը Հայաստանում ամմատական բեկում առաջ բերին հայ հասարակական-աղափան կյանքում։ Հայ իրականության մեջ հանդես եկավ և իր լայն տարածումը գտավ հեղափոխական, մաբխիստական ուղղությունը։ Մաբխիզմ-լենինիզմը հեղաշրջիչ դեր կատարեց ինչպես ամբողջ մաղկության, այնպես էլ հայ ժողովրդի կյանքում, լուսավորեց նրա ազատագրական պայքարի ուղին։

Այսպիսով, XIX դարի երկրորդ կեսը հանդիսացավ հայ հասարակական-քաղաքական մտքի բուռն զարգացման մի շրջան։ Ժողովրդի մեջ առաջ եկած սոցիալ-դասակարգային հարաբերություններին համապատասխան ձևավորվեցին հասարակական մտքի մի շարք ուղղություններ։ Այդ ուղղություններից յուրաքանչյուրն արտահայտում էր հասարակական կոնկրետ խավի, դասակարգի գաղափարախոսութունը։ Միօրինակ ու միասնական չէր հասարակական կյանքը, միօրինակ ու միասնական չէր և չէր կարող լինել նաև հասարակական միտքը։

Դարի երկրորդ կեսին երկրի սոցիալ-տնտեսական զարգացման համապատասխան իր էվոլյուցիան ապրեց նաև հայ հասարակական միտքը։ Դա օրինալափ, դիալեկտիկական մի պրոցես էր, 1850—1860-ական թվականներին ֆեոդալիզմից կապիտալիզմին անցնելու ժամանակաշրջանում, լիբերալ-բուրժուական և հեղափոխական-դեմոկրատական հոսանքները պայքարում էին 4*

Ֆեոդալական, ռեակցիոն գաղափարախոսության դեմ: Այդ պայքարում բուրժուազիան պրոգրեսիվ դեր էր կատարում: Հետագայում, բուրժուական կարգերի տիրապետության շրջանում, ինչպես դասակարգային, այնպես էլ հասարակական մտքի պայքարը կենտրոնացավ երկու զլխավոր ուղղությունների՝ բուրժուական և մարքսիստական ուղղությունների միջև: Այս շրջանում բուրժուազիան արդեն դադարել էր պրոգրեսիվ դեր կատարելուց:

Պատմականորեն հայ մարքսիստները հանդիսացան հեղափոխական-դեմոկրատական և ազգային-դեմոկրատական կուլտուրայի ժառանգորդները, այն ամենաառաջավորի ու արժեքավորի, որ ստեղծվել էր հայ հասարակական մտքի զարգացման նախամարքսիստական էտապում:

Ընդհանուր գծերով, այսպիսին էր XIX դարի երկրորդ կեսի հայ հասարակական մտքի հիմնական ուղղությունների զարգացման ընթացքը: